سميرة محمودي



سلسلة أغانى سميرة (3)

الطبعة الأولى 2017

بطاقة الكتاب

عنوان المؤلَّف : كان بينًا إيه سلسلة أغانى سميرة (3)

المؤلِّف : سميرة محمودى (شاعرة الريف)

التصنيف : أشعار

رقم الإيداع : 20778 - 2017

عدد الصفحات : 96 صفحة

رقم الإصدار الداخلى: 40

تاريخ الإصدار الداخلى: الطبعة الأولى أكتوبر 2017

جميع حقوق الطبع والنشر محفوظة للشاعر، ولا يحق لأى دار نشر طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

سجل تجاري: 58365

بطاقة ضريبية: 35-01-572-0031-5-2015 رقم التسجيل: 2017-7 544-662-202

E-mail: alnile waalforat@yahoo.com

النيل والفرات :twitter

youtube: alnile waalforat@yahoo.com

facebook: alnile wa alforat

هاتف : 01011256943 - 01116202218 - 01202541192

الشرقية - العاشر من رمضان - مجاورة ١٣ - عقار ٢٠٤ - الدور الثاني - أمام سنتر ١٣



الإهداء

إلى زوجى الحبيب نبراسى الذى يهدينى إلى العطاء المُثمر الى أبنائى وبناتى نوران ونادين وأحمد ومحمد فلذات أكبادى التى تمشى على الأرض التى وطنى الأكبر الى وطنى الأكبر الى بلدى مصر وكل قرائى وكل قرائى

سميرة

كلمة الناشر

سميرة محمودى مبدعة ثائرة بطبعها!! كسرت الشرنقة التى حُبِسَتْ فيها حواء أزمانا طويلة فخرجت منها أكثر قوة ، وهذا يتجلى كثيرا فى أبياتها الثائرة دوما ، ولكنه لم تتخل عن هدوء الأنثى ونعومتها فى كسب الكثير من المعارك التى خاضتها ضد التقاليد والعادات الجامدة التى حاولت - هى - أن تتغلب عليها شعرا وموقفا ومنهجا فكسرت تابوهات الخوف فى داخلها وأقامت حوارا - اتخذته سلاحا - مع الآخر لتكسب حربها معركة معركة حتى أثبتت أنها صاحبة رؤية خاصة وسطرت اسمها فى سجل التاريخ

الشاعر ناجى عبد المنعم رئيس مجلس إدارة دار النيل والفرات للنشر والتوزيع

كان بينًا إيه

كان بينا ايه غير حلم خاب كان بينا ايه غير العذاب وسنين دموع هجر ورجوع بعدين غيااب كان بينا ليل كله اشتياق وزمان زمان كان فيه حنان حب وامان. قبل الفراق ماتشوف با قلبی كنا فين وبقينا فين وصبحنا فين اهة وداع مالية القلوب دمعة حزينة ف كل عين

وسالته ليه ولاحس بيك جاوبك بابه بالله عليك كان مانعه ابه يفضل معاك ويدال ما باعك يشتريك قصة زمان بتعيدهاخوف ملهوف وليه خايف تشوف تشتاق ساعات وتموت ساعات وفايت له حبك للظروف عدت على غيابه السنين طب قولى اروح واشكى لمين ايام بتسأل ليل نهار فين الحنين ضاع الحنين من غير وداع قولنا الوداع اختار طريقه وتاه وضاع وانا ضعت بعده في سكة شوك

وتعبت من كتر الخداع قفل علي حكاية هواه وادفن هواك والشوق معاه وقت الحنين عدي وخلاص هایفید بایه. هجره وصفاه

غفرت ليك

الف مرة غفرت ليك بس مش هاكدب عليك كل مرة اغفرها اندم اني ياما وثقت فيك كنت في عنيا الحصانة م الاهات والجرح دول قولت لما اكون بحبك حبى هايكون لك رسول بس جيت لي بالف اهة الف جرح والف. لووم جيت سرقت الباقى منى اي فرحة في اي يوم

والتقيتني خلاص اسيرة بین دموعی وبین سراب ضاع يا عمري العمر منى وادى تأشيرة انسحاب وانت لسة زي ما انت روح بتهوالى العذاب بس اخر مرة اسامحك قلبی داب منك خلاص انت قلبك قلب واحد دق للغدر . وخلاص السماح مابقاش يكفى كل الوان الخداع مرة تهجر مرة تغدر واتقتل حتي الوداع قلبى زاهد يوم يقابلك

او يصالح في الزمان كل شئ في الدنيا اصبح زيك انت مالوش امان يعني ناوي تبعد ابعد وان بعدت ابعد كماان ياللي ما فكرت فيا قلبي حاسس من زمان

يا مصر يام الخير

هاتكيدي عزالك وتفرحي عيالك يا مصر يام الخير الفرحة جاية لك لسة الامل عناقيد ع الغصن بتغني بكرة الامل هايزيد وانتي هاتتهني مادمنا ايد في الايد في الشدة وياكي وربنا هايريد وعيونه حرساكي يا ساقية ع الرياح

تروي الاراضي البور نيلك عمل وكفاح علمك مداين نوررر علمك مداين نوررر مدي الخطا مدي ع الصعب هاتعدي يا اية في القرأن بحروفك الوردي

الحلم أهو بان

الحلم اهو بان علي مدد الشوف واتحدي حياة واتحدي ظروف ایه بس لزومه ياقلبي الخوف الحلم اهو بان ايام وسنين وبنجري وراه بين قسوة وتوهة وحيرة معاه الله ع الصبر

واخره الله فرحة وبتغطي علي الاحزان الحلم اهو بان طول ما انت سليم وماليك احساس والدعا والحمد مع الانفاس لا يهمك ظلم وجور م الناس ولا ليل توهااااااان الحلم اهو بان

الله عليك

الله عليك

الله على نظرة عنييك كل المني موجودة فيك لمعتها نجم وفي السما ینده علیا کلما بصيت عليك فیها بحر قلبی بیعشقه حاسب عليه لتغرقه لو قال بحبك صدقه دا روحه فیك لحظة صفاك هي الصفا فى البرد ليه كل الدفا يتعب ويتمني الشفا

اليك فيعود ورد وجناین کلها جنة ومافيش في زيها نسمة هواها و عطرها لمسة ابديك فيها كل حاجة ...مزوقة بتقول ياحب افهم بقى تعتب عليا بنظرتك بعد العتاب. يحلى اللقا ادفع انا عمري التمن لنظرة علي مر الزمن هي الحياة لو. عشتها لعيوني دي أهل ووطن

بنتحايل على الأيام

انا والعمر والكلمة بنتحايل على الايام ونتمناها لو ترجع اشوف طيفك انا واسمع رنين صوتك بيعزف اعذب الالحاان يقول وحشاني وبحبك واقولك يلا قولها كماان وانا وانت نغنيها ندوب نسكر ونحكيها حكاية بالف ليلة زمان وتخلص نحكى م الاول

وننسى السهد لو طول وننسي الشوق ويتحول لقااااا وافراح نودع قسوة الدنيا نعيش اللحظة بالثانية نودع لوعتك ياجرااح ننادى الحب ينصفنا لاجمل جنة يخطفنا لليل البدر فيه صافى سليم الروح و متعافي واتغزل في اوصافك وتتغزل في اوصافي ونركب مركب الاحلام علي شط الهوي الدافي تمر الساعة ما نحسش

نناجى الوقت ماا يمرش نقول للقلب عيش حبة كفاية يا قلبنا غربة كفاية البعد وحياتك كفاية عذاب لدقاتك كفاية الدمع ويا النوح كفاية صبرنا المجروح وانا وانت يا روح الروح نسيب الروح تمني الروح بلمسة تغطي حرماني ونظرة عطف وحشاني وانا وانت واحلي غرام نعوز م الدنيا ايه تاني

لسة عايشة معايا ذكرى

كنت احب يكون لى ضلة لما حر الدنيا يقسى والقى وردة جمب فلة لما ليا الحب ينسى لسة عايشة معايا ذكرى لما كنت احضن عنييها كنت بانسى الجرح واهدى هى لمسة من ايديها طبطبى على القلب قومى خففى شيلة همومي فرحة واتمنيت تدومي ليه تضيع الفرحة يا امة كنتي روحي وبتراعيني

واما باحزن بتواسيني بابتسامة واحدة هي شمس طارحة النور لعيني نفسى ارجع واستخبى جوة حضنك حبة حبة قد ایه وحشانی یا امة بعدك انتى الدنيا صعبة كل حاجة بقت سخيفة وحدة الايام مخيفة وحدى انا لوحتى عايشة برضو من غيرك ضعيفة قشة عايمة ف بحر عاتى عايشة مش حاسة بحياتي تايهة منى ف كل ناحية مل صبري ومات سكاتي

محتاجالك عودي تاني رجعي الايام عشاني السنين في الغربة طالت والفراق صعب واناني مين يطيب خاطري قولي مهما غيرك يعملولي برضو حاسة بنقص حبك لو مالولي الدنيا لولي

سيبك م الهم وروق

سيبك م الهم وروق فك التكشيرة وعيش دا الورد في غصنه مزوق والشوك وياه تحابيش يعني المقصود تتبسم مهما الإحوال بتضيق ایه یعنی حیاتك مرة وصحيت على غدر صديق او ایه احبابك باعو ا او مشيو في اي طريق متشيلش ف قلبك حاجة خليك على الخط سريع اللى مكتوب هايكون لك

واللي هايبيعك بيع ملعون الحب ان جرح او ساب ف القلب اهات خليك يابو خالو مدردح متشدش في التفاهات غير ف حياتك وامشى دا القطر سريع بيفوت والضربة الجامدة تقوي صدقنى ومش هاتموت شيكا بيكا افرح واتهنى مزيكا وطبل وزار متقلش دا مين ف الجنة وانا وحدي حزين ف النار ودا كله بايدك انت دلوقتى عليك تختار

لتشوط الكون بدراعك ليشوطك باستهتار

بحبك كلمة في الحواديت

بحبك كلمة في الحواديت واحبك مهما رحت وجيت واحبك ضل صفصافة وشجرة توتة جمب البيت واحبك قعدة ع الرياح في حضن الورد انا بارتاح واملي جوة في عنيكي جناين كلها تفاح وتيجي النسمة نعنسانة بلمس الورد فرحانة

ونتمايل بغصن زتون يصحي الدنيا ويانا وصوت الساقية يشجينا وطرح القمح حوالينا بنزرع حلمنا وياه ونحصد بكرة بايدينا تزقزق في السما فرحة وتغزلك جمال طرحة وتوب ابيض مع اللوزة بتجنيها بايدين صبحة وصبحك شمس بتهنى طيور الجنة بتغنى وليلك مهما ببقى طويل يعود الصبح متحني يا اجمل حب وحكاية

رسمها الفجر ضحكاية وترعة خير هنا بتجري بتروي الارض ويايا

وقتنا ضايع

كل يومين ماتشات ماتشات هوسة وهيصة في العمارات بیتنا کمان دا بقی مروستان ويتزعلو ليه م الستات ساعة الراجل مش على بعضه عمال يتنطط ويقوم يضحك حبة وحبة يزعق وكمان حبة يكون مهموم لما دوكها يشوط الكورة بيكون شاطنا كمان قدامه يفضل يصرخ اوي ويزعق لما بقيت اكره ايامه واما خلاص هايجيبو الجون

قبل العارضة خمس ياردات يفضل قاعد قايم نايم يغمي عليه ويفوق لحظات واما يشوط الكورة وتطلع ترجع فاول تاني عليه يضرب كف بكف وتلمع منه الدمعة جوة عنيه احنا خلاص كاملين من كله علشان وقتنا كله يضيع حبة النت وحبة الكورة ومافيش حبة للتصنيع

جالى الغرام

جالي الغرام بالبكي والحزن والتسهيد والبعد منه اشتكى يحكى العذاب ويعيد ياليل ضناك السهر ماله. عزیز غالی والهم زاد بالقوي والنجم فوق العالى قالوا تحب القمر تسكر كدة و تدوب ولا منه شاف القمر ولاراضي بالمكتوب ياليل تحب البكي

والدمع م العشاق تسهر تناجي المني بالحرقة والاشواق واللي رماهم هنا كان سحر في عيونه معرفش ليهم وفا ليه طلعوا بيخونوا

كل الحبايب كده

كل الحبايب كده ولا القلوب انواع انا تهت فیهم انا والحب بينهم ضاع ياليل كفاية الاسى والصبر والحيرة طالت ليالي الالم وانت ولا سيرة ورد الجناين دبل والدمع علي خده وكان ملالي هنا في الورد مين قده

جفت ليالي الهنا والتوهة من بعده هانحب مين قل لنا نتهني من بعده

حب مصلحة

ما هو حب مصلحة مش حب جد جد والدنيا مروحة دنیا محبتش حد وايييييييه الصبح ليا صاحب احكي معاه وازيد علشان واد له مزارق وبيسلك في الحديد وهييييه والضهر ابعد واسيبه لاصحاب تانيين تانيين

وخدين الدنيا خبطة بدراعهم بالسكاكين انا اصلی واد مخلص شغلی کله ع نور ما خشش في المشاعر وقلبي يعيش في دووور وإبيبيه البت الحلوة حلوة لصحابها اه وناسها يمكن تغريني مرة احضنها واروح بايسها وساعة الحب افلسع واشوف لي اي سكة وابعد بعيد واسمع واقعد على اي دكة

وهييييه لو شفت شكلي بره نزيل في الشانزليزيه لكن في شارعنا كله عارف انا باعمل ایه باصلح في الكراسي واسلك في السيفون وساعات تشوفني راسي وساعات اكون مجنون وهيييييه ما تقولش حب يا سطة الحب خلاص سلام من غيره باكون السطة ومريح في التمام

مع اني ضليع معاكسة

ملياش في الغرام وهيييييه بس خلاص

إتحايلت عليك

اتحايلت عليك تفارق اتحايلت عليك تعيش اللقا دا معدش فارق والبعااد مهيمنيش بعد ایه بتقولی راجع سيبنا من كل المواجع بعد ما الفرحة نادتنى العذاب مايهزنيش انت مین ما بقتش فاکرة يلا روح وملكش ذكري فوت علينا ياعم بكرة بكرة ترجع ما تلقيش فوق بقى للدنيا واصحى

دا الهوى له عندى صفحة ای جرح کتبته فیها مهما ترجع ماتسویش مش هاتنفع الاستمالة عمري ما اهقولك تعالى قلبى سلمته لحبيبي من زمان غيره ماليش كان زمان القلب فاضى قبل ما تكون جرح ماضى وانت رافض وانت راضى قولی یوم ماجرحتنیش الف ميت مليون سلامة روح تصاحبك الابتسامة كنسل اللوم والملامة وافهمى وماتفهميش

الحبيب دا عيون حبيبه عمره ما بييقدر يسيبه لو هايبعد برضو يسال لو في غربة ومابيجيش بعدك الحب انتبهلي والهنى والخير ندهلي عایشة حلم معاه حیاتی روح بقي ما تصحنيش قولتلك هاتدوق كاساتك دقت جرح اهو ف حياتك لسة بكرة ياما تبكى لما تتمنى ومافيش اتحايلت عليك تفارق اتحايلت عليك تعيش اللقا دامعدش فارق

والبعاد ما يهمنيش زي ما بدات الحكاية قول لقلبك دي النهاية والنهاية عرفها قلبي انت ليه ماعرفنتيش

إكدب على نفسك يلا

إكدب على نفسك يلا قول اللي في نفسك قول ما انت في الكدب اسم الله شغال وياه على طول اكدب علشان تنساني علشان لو لسة ضمير راح يلعن فيك يا انانى واهو لسة الجاي كتير يمكن علشان حبتني فبدات عليا تغير ولا علشان حستني ولقيتني خلاص راح اطير لو كنت يا روحي مصدق

صدق وانت المسئول دى الغلطة هاتفضل دايرة تيجى ف وشك على طول والظلم اللي انت ظلمته يشرب منك وينول اكدب على نفسك يلا قول اللي ف نفسك قول انا بس عشان حبيتك سبتك تجرحنى كتير ودى اخر مرة هاسامحك وهاقولك باي يا كبير القلب اللي انت ظلمته كان عمره بيتمناك كام مرة بعدت وسبته وهو بيستناك

ورجعت لقيتني بحبك اكتر م الاول يااه ولقيتك واحد تانى مش دا اللی انا بستناه واخد قلمين متكبر على القلب وعلى الاحساس وغلبت انا فيك تتغير وحايلتك يابن الناس لكن ولا بان لك اخر راح اسيبك انا م الاخر مش كل ما اقرب منك تبعد عني وتتاخر باي باي باي باي ماتقولش دا لیه وازای طب قولى ازاي انا احبك

وانت قاسي ونساي بتقولي بتقولي دا مش معقول وانت لوحدك مسئول اكدب علي نفسك يلا قول اللي في نفسك قول

إفترقنا

افترقنا من ساعتها الفكر حالف ما يفارقنا والدموع سهرانة ويانا الدموع بتواسي شوقنا افترقنا بس خايفة تروح وتنسي والظروف تعند وتأسى هي ليه بس الظروف يا حبيبي ليه واقفة في طريقنا افترقنا نبض قلبك لسة عندي

نبض قلبي لسة عندك .؟ ولا ناوى تحب بعدى مستحيل انا احب بعدك بعدك انت الدنيا رايحة فى الحياة ملقتش فرحة كل يوم بيعدى باعرف قد ایه الدنیا جارحة فین مکانك فین مکانی ؟ بعدت بينا في ثواني عشنا كل الحب غربة حب دایب م الامانی قولی بس ازای لقانا دا الحنين بيموت معانا والمسافة كتير بتبعد والوداع عزا في هوانا

بحر موجه بيلاحقنا واحنا ما كناش لحقنا قالنا نبعد ونرجع والبعاد خدنا. وغرقنا افترقنا

قد ما اتمنیت

قد مااتمنیت کلامك قد ما اتمنیت بعادك قولي إيه اخرة غرامك ولا إيه اخرة عنادك الورود م البعد دبلو والخدود م الدمع دابو والسهاد دا لیلاتی یکتر ضيع العمر في شبابه قولى ليه كتر الاسية ولامين أساك عليا هو نار البعد هين ولا نار الشوق شوية سبت قلبى لدنيا صعبة

للجراح وانت الاطبة هي ايه الدنيا قولي تسوى ايه من غير احبة هانت الايام في عيني في البعاد عنك يا عيني والعذاب عمره ماضيع اي شئ بينك وبيني لو مكانك غاب ثوانى جوة قلبي وف كيانى كان زمان القلب يعرف يفترق ويحب تاني سامعة صوت الهجر عالى قولي ليه تهجر ياغالي هو ذنب القلب حبك تقتله بهجرك ليالى

وقد ماتمنیت کلامك قد ما اتمنیت بعادك قولي ایه اخرة غرامك ولا ایه اخرة عنادك

في انتظارك

لو نویت تسأل علیا لسة حبى في انتظارك شايلة روحي لك هدية ياللي هجري باختيارك كام سنة والحلم ساكن جوة منى وبيناديك والليالي الحلوة ذكري ليل نهار تنده عليك والامل جوايا رحلة شوق مسافر بالحنين كل خطوة يعدي يسأل فین حبیبی مکانه فین لسة فاكر لما كنا

ولا بعد الهجر هنا هو مین خلاك بتنسى ولا مين ضيعنا منا القمر سهران بيشكى وحده تايه في الطريق والسهاد ف العين بيبكي صرخته صرخة غريق سبت لي بس المأسي بسألك جاوب يا أسى بعد غيبة عمر عنى لسة فاكر ولا ناسى الظنون لساها شاردة بتجاوبني بلحن وردة هو فيه حد النهاردة النهاردة بيفتكر ؟؟؟

موال

ياليل ياليلي ياليلي يااااااليل هي المعادن كدة انواع مابتصدیش انواع تقول للصدي اقعد ولا تسبنيش لو شلت منها قرب تفضل فقير منحوس لو قرش واحد دهب تفرح معاه وتعيش قالوا الصديق لو جدع يسند في وقت الضيق لو ندل شوف البدع

وابعد في اي طريق لو صح فيه مسبحة الفص فيها يبان فيه اللي فصه كرم واللى فصوصه لسان واللي بيهوي الفرح لو انت باكى العين واللي بحكايتك سرح والسر زاد سطرين يا عم سيبك بقي سبح بفص التقي لو علقو االمشنقة ماتقلش صاحبك فين

وبلاش نعيد

بلاش نعيد مين اللي ظالم مين ظلم ابعد خلاص وكفاية دوبت من الالم ربك دا عالم بالقلووووب تبدأ رحيل ابدأ حياتي م العدم تبدأ غياب يبد أعذاب ابدأ ندم من غير عتاب انا ناوية اتوووب حبك دا كان اكبر جراح بيشدني واغرق معاك اكدب واقول بيحبني واسرح وادووووب فوق ارض تانية بس خالية من البشر انت وانا والهمس والليل والقمر غيرهم ماليش

قولت لهواك غنوة هوي رفض الوتر وازاي يحن بقسوته وقلبه الحجر وازاي اعييش

من غير وداع طلع النهار كله اختفي ولا يوم فاكرلي من الهوي لحظة صفا يا حضن ضاع ودع معاك حضن الدفا متكنييش

مابقاش فاضلي ف الحياة غير البكي

عمري اللي ضاع

بيضيع ولا عمره اشتكي

لحظة جنووون

ازاي يا قلبي تعشقه وازاي تهوون وازاي تكون انت الوفا وازاى يخووون

شوف يا اخي لما الكلام يطلع عبر

بطنت اصون حبه وهواه يعني خلاص سوقهم جبر سوقهم جبر ولا عدش رجعة لدنيته ولا عاد ندم فبلاش نقول مين اللي ظائم مين ظلم ابعد خلاص وكفاية دوبت من الالم ربك دا عالم بالقلووووب تبدأ رحيل ابدأ حياتي م العدم تبدأ غياب يبدأعذاب أبدأ ندم انا ناوية اتووووووووب

أسير الفؤاد

ياليل ياليلى ياليلي يااااااليل ياللي اسرت الفؤاد بغرامك الموعود وكتبت لحن الاسي وخلفت ياما وعود لو كنت ناوي تنصفه من ویل عذابه سنين جدد ليالي الصفا. ارحم عذابه وعود *||||||*

يالي قربك عنده
اغلي من حياته
وابتسامك اغلي
صورة في ذكرياته
في انتظارك مهما
كان العمر عدي
هي نظرة بس منك
تحيي ايامه اللي فاتو

لو تيجي له ينسي ويله ينسي دمعه ينسي ليله ينسي حظه م الاسية ينسي طعم الجرح ذاته يعمل ايه لو ناسيه العذاب يتشفى فيه

والظنون وياه بتسهر والمرار يسكن اهاته كل يوم مرسال يجيلك دمع اشواقه يناديلك كلمة حلوة قلب وردة همسة منه تكون دليك وانت راجع ما انت راجع ويا نور الفجر ويا الشمس طالع ایه یمانع نكسر الاحزان وترجع ولا نتحدي المواجع یا حبیبی یاااا حبیبی يا ابتسامة عمرى يا احلى ابتسامة

في انتظارك يا وليف الروح لروحي من هنا ليوم القياااااامة

ولا في الأحلام

امتى هاتفضالى اتفضل قول على طول على طول مشغول مشغول بتعدى ساعات وإنا انادى عليك ولا حتى سامعنى دا مش معقول ما بتطل بقى تهت. ومليت ولوحدى انا رحت لوحدى انا جيت والاسم قصاد الناس حبيت واثت المسئول ما تهدي غرورك بقي ماتجيش بنكون مع بعض وبينا. مافيش وبانادي عليك مرات مرات ماتردش قال بتسمعنيش

جننت العقل معاك واحتار والحب معاك ما باين له نهار تديني معاد وقوام تنساه مربوط يا حبيبي بكام مشوار وفضلك مرة ويبقي سلام لا تلاقي كلام ولا حتي ملام ولا هافضل عمري انادي عليك ولا افكر فيك ولا في الاحلام

أنا رايحه فين

الباب منین ردی یاعین انا تایهة لیه انا رایحة فین في طريقي شوك معرفش لیه قضبان حديد مفرود عليه وسنين بادور على الحياة م الراحة ليه منعاني ليه غربة مكان بين الحيطان ولاا امتحان وباحل فيه طول الزمان مین جابنی مین سجن السنين ورسمنى طيف للمحر وميين

يمكن انا لما انا تهت ف خطاوي العاشقين فاكرة الهنا هایکون هنا وهابدل القلب الحزين یمکن غلطت ف خطو تی ومشيت وقعت ف غلطتى غلطة حنبن مشيت ورا ه لعبة زمن واديني بادفع ف التمن انا اللي ضيعني الهوي وانا اللي اهو قلبي اتسجن ايام تفوت

دوامة موت

جرح ومرار لعنة وفا حرقة سكوت محبوس وحيد في مكان بعيد. اشباح خيال اوهام تزيد تملاني خوف يادى الظروف وياريتني اعيش وياريتني اشوف الباب منین ردي یا عین انا تايهة ليه ويا السنين انا رايحة فين

حدوته لازم نحكيها

الدنيا سكة بنمشيها الكل بيمثل فيها وف كل سكة وكام مشوار حدوتة لازم نحكيها نبدأ بايه بس قولولنا شوفولنا حل ف مشاكلنا وازای هانیدا ای حوار ويفيد غنانا وتمثيلنا والكل اصبح ماشي اصم م المسئولية وشيل الهم ولا حد سامع غير نفسه امتي بقي نعقلها ياعم ونمد ايدنا ونتصالح

يا دنيا مليانة مصالح يارب قادر تهدينا ونحط ايدنا علي الصالح اضحك بقي وفضها سيرة هاتفيد بايه التكشيرة دي بلاوي بتزق بلاوي حواديتنا في الدنيا كتيره

تتر مسرحية الاستاذ كاره نفسه

ولسة الحلم بنوته

بتتعايق بلبس العيد واسويرة وكام خاتم وحق كريم مع البلسم يخلى شعرها السايب بدون تجاعيد وساعة يد في اوضتها تمد ايديها على الساعة تقربها عشان ماتقرب المواعيد ولمعة عينها فرحانة باول حب

فتسهر تحسب الحسبة

بيهواني

صحيح عينه دي عشقاني

اخاف لو عينه نسياني

واه ياني

باخاف لحبيبي ينساني

تعيد وتزيد

ولسة الحلم اهو عايش

مع الاحلام

بيتمني

ولسة الصورة للطفلة

بتتكمل

وزي حورية تتزوق

وتتجمل



تحب تغير تنام تسهر وتنهي قصة الاحلام وتبدأها من الاول

علي بل الريق

والمر بيرسم الف طريق والسكة كاسات مرصوصة كتير والوحدة سمير متلفع زي الخوف مشاوير متاهات متاهات والقلب مجمع في الشرايين دواوین دواووین دواوین وبتزف منها اهات مخنوقة الضحكة مع

الحكايات

مكبوتة الفرحة في

جسم كسيح

مظلومة يا دمعة مع

المجاريح

متحني ياليل

بغناوي

ألاااااام

معجونة بأااه

علي عزف الناي

هربانة وتهرب بس ازاي

والكون مليان

صراعات

صرعات

الفقر بيعلن في النهايات

وبدايته الجوع والموت والبرد

الدم بشرعه خلاص بقي

فرض

وقرار محتوم يسقيه

للارض

والعدل اهو مات

والشوق متعلق في

الشعارات

يرسم له ميزان


محتارة الخطوة معاك

یا۔ امان

والغربة ان طالت

ع الانسان

يتبح الصوت



يتكفن قبل ما روحه تموت والحب خلاص بحكايته الحلوة يدوب متعاص والنفس الطالع والداخل دا يدوب اشاعات

العين كانت بالعين

العين كانت بالعين والدمع كان ليها تاهت مع الاتنين كان مين يداويها الا اللي قلبه انحرق نفسه تدوق بسمة والحب مهما جمع ما بيقبل القسمة والقلب لو ينقسم عيشته تكون مرة النص عايش هنا والتائي عاش بره وازاي يعيش الامل للقلب بالضرة

قلبى عليك انفطر ولا انت مش عارف عودك خلاص انكسر هاتعیش کتیر خایف دا الاصل للى سبق اخلاصه بالنية فارد دراعه سند للناس معدية غير اللي بره زرع في العقل حدوته حتي التاريخ انخدع بحكاية ملتوتة واللي يشوف بالعين غير اللي كان يسمع يابنت سوريا فبن

حبيبك المجدع قابض عليك التمن هدالعراق واليمن وف ليبيا قال تولع العرض راح يا زمن امتي اللي راح يرجع صون البنية شرف والظلم ما بينفع سلبو العقول بالخطب والنصب على الوجنين يياحمالين الحطب النار دى قايدة لمين ولا الوجع غية صورته دم برئ عایش عشان قوته

لكن قصاصو حكم بالغل هاتموتوا وبنت مصر الزمن عمره ماهايخونها ولا يوم هاتبقى يمن ولا سوريا بجنونها بغداد بلاها الزمن بالسنة والشيعة الرب واحد صمد والدين بقى بيعة فرحتو فينا العدو شمتو فينا الناس بعتو تراب الوطن بس الميزان حساس بيحس باللي هوي

في الدنيا بجنونه ماشيفش في المجتمع عاقل هنا دونه والامركة المفلسة ع الخسة بتعينه بكرة يموت الجدع. مين اللي قال الطمع يقلب موازينه عارفین یا اهل الدین حاملينه مش اهله بعد الصيام والصلاة يلعن في دين اهله ويشكك اللي صبر يرسم علي مهله عاشق نفاقه ظهر

واضح وضوح القمر لكن بنتجاهله والخط احمر هنا عند الحبيبة ونووووه لو هد قالب حجر شيلو الحجر وارموه ما العين كانت بالعين والدمع كان ليها تاهت مع الاتنين وبعمري هافديها واحميهام النسمة والرب واحد صمد حبك في قلبي احد ما بيقبل القسمة

أنا مسمحاك

ومهما السهم من قلبك تجاه قلبي يكون جارح فانا اتعلمت اكون نسمة ما تجرحش ارد الدمعة بالدمعة ماينفعش د مهما تقول انا عارفة وتبعد برضو مش خايفة هايجي اليوم ولو صدفة هانتصالح عشان قلبي اللي ساكن فيك مايعرفش الايتسامح

ومتعود عذابه معاك عشان خاطره انا مسمحاك

كله بالهداوه


كله بالهداوة وحياة الغلاوة تزعل صوتك يعلي علي طب ليه القساوة دانت حبيبي وضي عنيا اعمل ايه لو تقسي علي باتعب انا وياك مدادية

وانت في الطراوة اتحملت انا يا ما الام واسية واشواق وملام شوفلك حل مع الايام يا بو عيون نقاوة

محتوى الديوان

صفحة	عنوان القصيدة	م
2	بطاقة الكتاب	1
3	।र्षेष्टा ३	2
4	كان بينًا إيه	3
7	غفرت ليك	4
10	يا مصر ياام الخير	5
12	الحلم أهو بان	6
14	الله عليك	7
16	بنتحايل على الأيام	8
19	ولسه عايشه معايه ذكرى	9
22	سيبك من الهم وروق	10
25	بحبك كلمه في الحواديت	11

28	وقتنا ضايع	12
30	جالى الغرام	13
32	كل الحبايب كده	14
34	حب مصلحه	15
38	اتحايات عليك	16
42	إكدب على نفسك يلا	17
46	افترقنا	18
49	قد ما اتمنیت	19
52	في انتظارك	20
54	موال	21
56	وبلاش نعيد	22
59	أسير الفؤاد	23
63	ولا في الأحلام	24
65	أنا رايحه فين	25



68	حدوته لازم نحكيها	26
70	ولسه الحلم بنوته	27
73	على بل الريق	28
77	العين كانت بالعين	29
83	أنا مسامحاك	30
85	كله بالهداوه	31
87	محتوى الكتاب	32
89	إصدارات دار النيل والفرات	33

إصدارات النيل والفرات دار النيل والفرات للنشر والتوزيع 2017

إسم المبدع	عنوان الكتاب	٩
ناجى عبد المنعم	ترتيل البوستات الصباحية لأنواع الحب ج. 3	1
ناجى عبد المنعم	ترتيل البوستات الصباحية لأنواع الحب ج. 4	2
ناجى عبد المنعم	العفريتة الشقية (مسرحية)	3
د. عبد الحليم هنداوى	المختصر المفيد في سيرة أهل بيت الحبيب	4
د. عبد الحليم هنداوى	فى حب الله وعشق الأوطان	5
د. عبد الحليم هنداوى	طمی لا زید و عبر للأبد	6
عبد الله الشوربجي	أبو الطيب المصرى (ج. 1) نصوص	7
عبد الله الشوربجي	أبو الطيب المصرى (ج. 2) نصوص	8
عبد الله الشوربجي	أبو الطيب المصرى (ج. 3) نصوص	9
عبد الله الشوربجي	أبو الطيب المصرى (ج. 4) نصوص	10
عبد الله الشوربجي	أبو الطيب المصرى (ج. 5) نصوص	11

جيهان عبد الرؤوف علوان	أنين الروح (أشعار)	12
السيد صابر	همسات (أشعار)	13
رضا ابو الغيط	أشجار الخوف (أشعار)	14
رضا ابو الغيط	الحلم بيكبر (أشعار)	15
رضا ابو الغيط	أشكرك (أشعار)	16
رضا ابو الغيط	أكفان الخوف (أشعار)	17
رضا ابو الغيط	تباشير الصباح (أشعار)	18
سمير موسى	وتر البكا (أشعار)	19
سمير موسى	مدمن ضرب (أشعار)	20
علاء الدين على	بیعدوا أملاکی (أشعار)	21
أسماء فريد	مشاكسات إبداعية (أشعار)	22
د. يسرى عبد الغنى	عن التواصل الأدبى بين الشعوب (دراسات)	23
عبد المنعم شرف	حميسة (مجموعة قصص قصيرة)	24
تهانى فؤاد	نبضات أنشى بلا وطن (أشعار)	25
أسماء فريد	أميرى (أشعار)	26

ناجى عبد المنعم	جدلية التحول بين التمرد والإنتماء	27
ناجى عبد المنعم	رباعيات	28
ناجى عبد المنعم	ترنيمة لأنواع الحب (ثلاثية مسرحية)	29
ناجى عبد المنعم	أبو جلمبو في كوكب المرىء (مسرحية)	30
د.عبد الحليم هنداوى	حاملة الورد (أشعار)	31
محمود هلیل	إنكسار حرف (أشعار)	32
ناجى عبد المنعم	محاكمة ميت (مسرحية)	33
منى الغريب	حرفين وجع (أشعار)	34
سميرة محمودى	مين يسامح مين ؟! (مسرحية)	35
سميرة محمودى	اِهدى عليًا (سلسلة أغانى سميرة 2)	36
السيد محمد صابر	ياريت نحبًك (أشعار)	37
السيد محمد صابر	الدنيا حالها كده (مسرحية)	38
ناجى عبد المنعم	ترنيمة لأنواع الحب (ثلاثية مسرحية)	39
سميرة محمودى	كان بيننا إيه (سلسلة أغاني سميرة 3)	40
سمير حماية	لا تذكرينى	41
سمير حماية	مسرح خيال الظل	42

محمد الفلكى	أكبر وهم	43
محمد الفلكى	حب الوطن	44
محمد الفلكى	صمت المشاعر	45

سعدت بكم جدا أحباب رسول الله صلى الله عليه وسلم وأرجو أن أكون قدمت لكم ما يليق باحترام عقولكم وقلوبكم

> الشاعرة سميرة محمودى شاعرة الريف